

於仙經感獲於妙法以功成果滿身證無為之道故神仙有緣也

訣曰常以子後午前南端坐存神握固鳴鐘鼓各三十六通乃用四時旺氣為頭循環五氣吐氣納津一季各吐納七十二口并土共九十口如一季三月四季共成三百六十口畢又加五口象一年三百六十餘五日之約乃為一功又依頭週而復始三功一閏加三十口如同三年一閏也數內常無差錯漸以加功而自然食味減退以飢則氣渴則津五穀氣衰真氣旺九年神化也

太上化道度世仙經

太上老君說天妃救苦靈驗經

第十

仰啓勅封號無極 仁慈輔斗至靈神
威容顯現大海中 德廣徧施天下仰
護國救民無靈澤 扶危救險在須臾
或遊天界或人間 或徧渡濟并地府
邪魔鬼魅總歸依 魍魎妖精皆潛伏
變凶為吉如彈指 賜福消災若珍微
凡人有稱拜金爐 一切歸心從懇禱
至心歸命禮
滿陀勝境興化瀾州靈應威德非常考感神
通廣大救厄而平波息浪扶危而起死迴生
大慈大悲救苦救難勅封護國庇民明著妙
靈昭應弘仁普濟天妃
奉請三天都總管 九天遊奕不曾停
上聖天妃切護國 勅封靈惠衛朝廷
頭戴花冠垂鳳華 身披翠服仗龍形
東列西華排鬼將 南征北討助神兵
劍佩斗牛光燦冽 簡書勅命掃妖精
威容顯現人欽仰 心運慈悲雨露均

救民護國施恩德 祛害除災利澤興

威德周圓通上界 垂慈降世度群生
山河社稷永安鎮 雨順風調保太平
散影分輝遍三界 人間天上日月明
天龍鬼神咸恭敬 奉勅皆令達上清
我今誓願永受持 一心歸命奉真經

奉禮呪

陰德始生 陽光吉貞 威容煥赫 救度生民
新鬼除魔 連連上清 三台來護 東聖皆迎
戴天履地 步斗魁星 無憂不滅 無願不成
誦持神呪 道炁長存

兩時

太上老君在無極境界觀見大洋溟渤河濱
川源四海九江五湖水澤蛟蜃魚龍出沒變
化精妖鬼怪千狀萬端有諸衆生或以興商
買賣採寶求珍出使遐荒交通異域外邦進
貢上國願恩輸運錢糧進納貢賦舟船往復
風水不便潮勢洶湧驚濤倉卒或風雷震擊
雨電滂沱其諸鬼神乘此陰陽變化翻覆舟
船損人性命橫被傷殺無由辭脫以致捉生

代死怨怒上銜何由救免於是廣救真人上

白
天尊曰斗中有妙行玉女於昔劫以來修諸

妙行善揚正化廣濟眾生普令安樂於是

天專乃命妙行玉女降生人間救民疾苦乃

於甲申之歲三月二十三日辰時降生世間

生而通靈長而神異精修妙行示大神通救

度生民願與一切含靈解厄消災扶難拔苦

功圓滿滿白日上升土神社主奏上三天於

是
老君勅下輔斗昭孝純正靈應早濟護國庇

民妙靈昭應弘仁普濟天妃於是天妃聽宣

法音弘是願言自今以後若有行商坐賈買

賣求財或農工伎藝種作經營或行兵布陣

或產難不分或官非撓聒或口舌所侵多諸

惱害或疾病纏綿無有休息但能起恭敬心

傷曰

初封輔斗 顯跡成靈 飛符走印 統領天丁

收捕野盜 斬滅妖精 扶危濟險 護助天兵

邪魔永殄 疾病安寧 敬順者奉 橫逆者傾

厥息大盜 斷絕邪冥 東西南北 四方肅清

神威震肅 家國咸寧

英烈天妃 善慶明時 遊行三界 徧察靈祇

風雷衝護 兵將維持 中臨人世 為殄災非

下通地府 徧告神司 枉橫者戮 殺人者誅

施人者愛 謀人者追 一心歸仰 萬物咸熙

急急如律令

爾時天妃聞說傷已稽首

天尊道前而說誓言一者誓救舟船達于彼

岸二者誓護客商咸令安樂三者祛逐邪祟

永得消除四者蕩滅災連家門清淨五者搜

捕奸盜屏跡潛形六者收斬惡人誅鋤強梗

七者救民護國民稱太平八者釋罪解愆難

諸報對九者扶持產難母子安全十者庇護

良民免遭橫逆十一者衛護法界風雨順時

十二者凡有歸向保佑安寧十三者修學至

入功行果滿十四者求官進職爵祿亨通十

五者過去超生九幽息對是時

老君聞天妃誓言乃勅玄妙玉女錫以無極

輔斗助政普濟天妃之號賜珠冠雲履玉珮

寶圭緋衣青綾龍車鳳輦佩劍持印前後導

從部衛精嚴黃蜂兵帥白馬將軍丁壬使者

種種大聖晏公大神有千里眼之聲軒順風

耳之報事青衣童子水部判官佐助威靈顯

揚正化世間若有男女恭敬信禮稱其名號

或修齋設醮建置道場或清淨家庭或江河

水上轉讀是經一徧乃至百徧千徧即得祛

除災難殄滅邪魔疾病自痊官災永息行兵

臨陣凶惡自難囚獄之中自然清泰賊寇不

侵惡言無害田蚕百倍牛畜孳生財祿盈餘

經營獲利行商坐賈採寶求珍海途平善無

諸驚恐求官作事遂意稱心是時

天專說是經畢天龍鬼神咸願護持於是廣

救真人復說偈曰

金闕聖后 初封輔斗 天人顯跡 敷濟毓秀

三月建辰 下法應候 護國靈長 萬壽萬壽

福不臻 何難不救 與道合真 玉皇奉佑
 依經轉誦 魔靈束首 燒香散花 修齋設醮
 應有急難 即當虔告 如法受持 無不應驗
 急急如律令

真后斗仙 位列九天 上佐金闕 下及泉源
 七元使者 道合自然 人間皈依 福報無違

昊天罔極 降福綿延

英烈天妃 應感無方 人間天上 咸敬其名

貞風顯佑 國土清平 臣今遵奉 永保利貞

是時廣教說是偈已妙行天妃稽首

天尊奉辭而退三界靈炁天龍神鬼咸生歡

喜信受奉行

天妃救苦靈符

請 真 符

勅符呪曰

輔斗真人 感應化生 一符一水 救濟萬民
 除災去障 永保安寧 急急如律令

齊天聖后 北斗降身 三界顯跡 巨海通靈
 神通變化 順濟稱名 三十二相 相貌端成
 隨念隨應 至聖至靈 威光顯赫 護國庇民
 海風吹浪 至祝降臨 一心瞻仰 顯現真身
 虛空出現 統領天兵 威神下降 鬼伏神驚
 莆田王主 聖化竹林 北斗大聖 驅逐邪精
 消災救禍 家國安寧 急急如律令

右天妃靈符如有急告焚香念前咒七遍
 書此符用井花水磨乳香調服自然安好
 無不應驗

太上老君說天妃救苦靈驗妙經

太上老君說長生益算妙經 女

太上老君昔在禪黎國主碧落天中見有男
 女抱病困厄壽不以理便當天化算未應全
 太上老君以他心智洞究玄妙垂顏顧視即
 召十方天官五靈真君長生司令侍從左右
 同會七寶琉璃之座請天宮主算六甲符圖
 天神地祇無執數眾俱來稽首長跪作禮端
 簡恭肅受命教誨

道言下界之人信道者種不知求生為惡日
 積其來以久不識真君致招眾禍恒嬰六疾

太上哀念兆庶即命東極長生真君以召六
 甲主算神人各有無量騎乘遊行國界持經

教誨命受天人示其惡業賜其符籙佩服身
 中轉經益算齊戒為常莫續年命免脫諸難

若有至心男女受持供奉燒香禮拜情無厭
 倦晝夜翹勤專敬三寶大慈廣濟救護危厄

若毒蒙原除魔消患滅惡澄清甲子將軍王
 文卿從官一百三十九人生我益算萬二千

道所護人身得蒙成就其神鎮心除其惡疾
 甲戌將軍展子江從官一百三十五人生我